

Und Joseph befahl seinen Knechten den Ersten/ daß sie seinen Vater salbeten/ vnd die Erste salbeten Israel/ bis daß vierzig tag vmb waren/ denn so lange waren die Salbetage/ vnd die Egypter beweineten ihn Sibenzig tage. Da nun die Laidtage auß waren/ redet Joseph mit Pharaon gesinde/ vnd sprach/ hab ich gnade für euch funden/ so redet mit Pharaon/ vnd sprecht/ mein Vater hat einen Eid von mir genommen/ vnd gesaget/ sihe ich sterbe/ begrabe mich in meinem grabe/ das ich mir im Lande Canaan gegraben habe. So will ich auch hinauffziehen/ vnd meinen Vater begraben/ vnd wider kommen/ Pharaon sprach/ zeuch hinauff/ vnd begrabe deinen Vater/ wie du ihm geschworen hast. Vnd seine Kinder thetten wie er ihnen befohlen hatte/ vnd führeten ihn ins Land Canaan/ vnd begruben ihn/ in der zwifachen hôle des Ackers/ die Abraham erkaufft hatte mit dem Ackher/ zum Erbbegräbnis/ von Ephron dem hethiter gegen Ramre/ als nuh sie ihn begraben hatten/ zoch Joseph wider in Egypten mit seinen Brüdern/ vnd mit allen/ die mit ihm hinauff gezogen waren/ seinen Vater zubegeben. Also wohnete Joseph in Egypten/ mit seines Vatters Haus/ vnd lebte hundert vnd zehen Jahr/ vnd sahe Ephraims Kinder/ bis in das dritte Glied. Desselbigen gleichen die Kinder Machir/ Manasses Sohn/ zeügeten auch Kinder auff Josephs Schoß/ vnd Joseph sprach zu seinen Brüdern/ ich sterbe/ vnd Gott wird euch heimsuchen/ vnd auß diesem Lande führen/ in das Land das er Abraham/ Isaac vnd Jacob geschworen hat. Darumb nam er einen Eid von den Kindern Israel/ vnd sprach/ wenn euch Gott heimsuchen wird/ so führet meine gebeine von dannen. Also starb Joseph/ da er war hundert vnd zehen Jahr alt/ vnd sie salbeten ihn/ vnd legten ihn/ in ein Lade in Egypten.

Lucæ 23.
v. 53.

Und sihe ein Mann mit Namen Joseph ein Rathsherr/ der war ein guter frommer Man/ der hatte nit bewilliget in ihren Rath/ vnd handel/ der war von Arimathia/ der State der Juden/ der auch auff das Reich Gottes wartet/ der gieng zu Pilato/ vnd bath vmb den Leib Jesu/ vnd nam ihn ab/ wickelt ihn in Leinwand/ vnd legte ihn in ein gehawen Grab/ darinnen niemand ihe gelegen war/ vnd es war der Rüsttag/ vnd der Sabbath brach an.

Da